

1930 йил
12 МАЙДАН
ЧИҚА
БОШЛАГАН



Postda

Ўзбекистон жумҳурияти ИИБ ҳайъати нашри

Ўзбекистон Республикаси ИИБ

Ўқунчилик ва ҳуқуқ-тартибот учун!

№№ 9—10
(2546—2547)
1993 йил
3 ФЕВРАЛЬ
ЧОРШАНБА
НАРХИ 6 СЎМ

**БУГУНГИ
СОНДА:**

2-бет

„Супер“
ишқ

5-бет

Кўза
синди...

7-бет

Зангори
экранда

8-бет

Ўзингга
эхтиёт
бул...

Миннатдорчилигимизни етказинг

Ўғлимизга тўй қилиш ниятида новвос боқиб қўйгандик. Шу йилнинг 7 январга ўтар кечаси молхонага кирсак, жонивор йўқ. Дарҳол ариза ёзиб участка вакилимиз милиция катта лейтенанти Ёкубжон Позиловга мурожаат қилдик.

Молимиз ҳалол экан, яшанба куни топилди. Новвосимизни ўғирлаган нобакор ҳеч қаерда ишламайдиган, муқаддам судланган Ғайрат исмли шахс экан.

Хурматли „Постда“ рўзномаси ходимлари! Сизлардан илтимос, милиция катта лейтенантлари Ё.Позиловга ва туман ИИБ ЖҚБ ходими Ғ.Эркабоевларга саҳифангиз орқали бизнинг миннатдорчилигимизни билдирсангиз.

Ў.МАЛЛАБОВЕВЛАР оиласи.

Қува тумани, Охунбобоев номи жамоа хўжалиги.



Ўзбекистон ИИБ Жамоат тартибини сақлаш бошқармасининг чет эл элчихоналарини қўриқлаш алоҳида милиция батальони милиционерларининг зиммасига катта масъулият юкланган. Бу ҳақда газетамизнинг 5-саҳифасидаги „Шов-шув деб хомтама бўлмаг“ мақоласида батафсил фикр юритилади.

Ҳ. ШОДИЕВ олган сурат.

ЎЗБЕКИСТОН РЕСПУБЛИКАСИ ИИБ
ҲАЙЪАТИ КЕНГАШИДА

ЯНГИ ВАЗИФАЛАР БЕЛГИЛАНДИ

ЎЗБЕКИСТОН Республикаси ИИБ ҳайъатининг яқинда бўлиб ўтган мажлиси республика ички ишлар идоралари оператив хизматларининг 1992 йилдаги фаолияти якунларига ва жиноятчиликка қарши курашни бундан кейин ҳам кучайтириш, ҳуқуқ-тартибот ҳамда жамоат хавфсизлигини мустаҳкамлашга бағишланди. Ҳайъат мажлисига Қорақалпоғистон Республикаси ички ишлар вазирлиги, вилоятлар, Тошкент шаҳри, Нақлиёт ИИБ, бошқармалар, бўлимлар ва ИИВнинг ўқув юртлари, бир қатор йирик шаҳар ва туманлар ички ишлар бўлимлари бошлиқлари таклиф қилинди.

Ҳайъат ишида Ўзбекистон Республикаси Президентининг давлат маслаҳатчиси Т. Алимов иштирок этди.

Ички ишлар идораларининг ўтган йилги фаолияти турли қирраларини ҳар томонлама муҳокама этиб, ҳайъат шунини таъкидладики, Ўзбекистон Республикаси раҳбариятининг жамиятда ижтимоий кескинликни юмшатиш борасида олиб бораётган изчил сиёсати натижасида миллатлараро муносабатлар барқарорлашди. Жамиятдаги барча ижтимоий-сиёсий кучларни бирлаштиришга, аҳолининг кам муҳофаза этилган қатламлари манфаатларини ҳар томонлама қўллаб-қувватлашга, шунингдек, ички ишлар идораларининг ҳатти-ҳаракатлари тўғрисида ҳуқуқ-тартиботни таъминлаш ҳамда жиноятчиликнинг ўсishi олдини олишга муваффақ бўлинди.

1992 йилда Ўзбекистонда умумий жиноятчилик бор-йўғи 5,6 фоизга ўсган, холос, баъзи бир жиноят турлари бўйича эса ўтган

йилги кўрсаткичлар билан тенг бўлишга ёки бир мунча камайишга эришилган. Бунда, айниқса, республика пойтахтида жиноятчиликнинг олдини олиш ва жамоат тартиби ҳамда хавфсизлигини сақлашга бағишланган тадбирларнинг мунтазам ва оммавий равишда ўтказиб турилгани ўз самарасини берди. Содир этилган жиноятларни очиш 8 фоизга кўпайди.

Жиноятчиликка қарши курашда эришилган пировард натижага Тошкент шаҳри ва пойтахт вилояти ички ишлар идоралари катта ҳисса қўшдилар.

Шу билан бирга ҳайъат республиканинг бир қатор минтақаларидда, жумладан, Фарғона, Наманган, Андижон, Хоразм вилоятлари ва Нақлиёт ИИБ хизмат кўрсатадиган ҳудудларда оператив вазиятнинг ўзгаришига таъсир кўрсатувчи муҳим аҳамиятга эга бўлган камчиликларни ҳам алоҳида кўриб чиқди.

Оператив хизмат фаолиятида паст натижаларга эга бўлган ички ишлар идоралари раҳбарларининг ҳисоботлари эшитилиб бўлинган, ҳайъат аъзолари ва мажлис иштирокчилари республика ички ишлар идораларида юзага келган камчиликларни бартараф этиш ва хизмат фаолиятларини яхшилаш тадбирлари тўғрисида ўзаро фикр алмашдилар.

Ҳайъат жиноятчилик билан курашиш, жамоат тартиби ва хавфсизлигини сақлаш ҳамда бу ишни ҳуқуқий жиҳатдан таъминлаш бўйича ички ишлар идоралари олдида янги вазифаларни қўйган ҳолда уларнинг фаолиятидаги асосий йўналишларни аниқлаб берди.

ЧОРШАНБАДАН

ГУМОНДОРНИНГ МАЛАКАСИ БОР

Кечга яқин Чилонзор туманининг 4-мавзеида истиқомат қилувчи Т. Пирматовнинг жасади ўз уйдан топилди. У пичоқ билан етказилган жароҳат натижасида вафот этганди. Қўрилган чора-тадбирлар натижасида 1-мавзеда яшовчи, ҳеч қаерда ишламайдиган, муқаддам судланган йигит аниқланди ва қўлга олинди.

ЎЗ УЙИДА

Уша куни орадан бир соат ўтиб 21-мавзеда ҳам қотиллик юз бергани аниқланди. 2-трамвай парки ҳайдовчиси Парпиевнинг бошидан жароҳат олган жасади топилди. Қотиллик марҳумнинг 21-мавзедаги уйда юз берганди.

Ушбуни содир этишда гумондор сифатида шаҳардаги ширкатларнинг бирида ишловчи шахс ушланди.

ТЎҚНАШУВ

Самарқанд шаҳри Супер кўргони, Нарпай кўчасидаги Нон комбинати ёнида уч номаълум шахс шу кўчада яшовчи Цойга „тўқнашиб“ кетди.

„Тўқнашув“ Цойнинг калтакланиши, 10 минг сўм пули, „Орион“ қўл соати, тилла занжири, мўйнали телпаги, тех. паспорти ва ҳайдовчилик гувоҳномасидан айрилишию, уч шахснинг туёғини шиқиллатиб қолиши билан ниҳоя топди.

ЯКУН БОШҚАЧА

Юқоридаги воқеа якунланган, яъни ярим соат ўтиб, бутунлай бошқа шаҳар — Андижонда, бутунлай бошқа воқеа рўй берди: Ип-газлама фабрикаси ёнида шу ерда ишловчи Саидовнинг қўлидаги ичида 67 минг сўм пули бўлган сумкасини номаълум йигит юлиб қочди.

Бу сафар якун бошқача кечди: шу шаҳарда яшовчи, ишламайдиган йигит ушланди.

„РУСУМ“ ДАН ҚОЛМАГАН-ДА

Олиб, юлиб қочиш русум бўлаётганини таъкидлаш керак. Қарши шаҳрида яшаётган вилоят йўл-қурилиш идорасида ишлаётган йигит ҳам „мода“нинг кетидан қувди ва тижорат дўкони бошлиғи М. Мейлиевани туртиб йиқитиб, ичида 150 минг сўм бўлган сумкасини юлиб қочди.

Ҳавасманд тутилиб, ашёвий далиллар қайтариб олинди.

ПИЧОҚҚА ИЛИНГАН ШУ

Мана бу усул эса анча-мунча сурбетларники: Тошкент шаҳрининг Оққўрғон кўчаси, 96-уй ёнида 1-қурилиш бошқармаси ишчисига ҳеч қаерда ишламайдиган йигит пичоқ ўқталиб 102 сўм пулини тортиб олган. Албатта шу пул учун бугунги кунда пичоқ кўрсатиб ўтириш шарт эмаску, лекин кўпроқ, деб ўйлагандир-да.

Бекорчи йигит қўлга олинди.

ПУЛГА ЭГА ЧИҚИБ...

Андижон вилоятининг Комсомолобод туманида учқўприклик Ашуровни шип-шийдам қилиб кетишди. У ўзининг „Лада“сига уч нотаниш йигитни миндириб, шу ердан ўтаётганди. Йўловчилар тўсатдан юзига аппақандай суюқлик пуркаб, бўйнига пичоқ тираб чўнтагидан 300 сўм пулини олиб қўйишди. Сўнг эса... машинани миниб жўнаворишди.

Пулга эга чиқишгач, тезроқ воқеа жойидан қочиш учун „Лада“ни ҳам тортиб олишган бўлса керак, деган хулосага борасан киши.

АРИ ҚОЛДИ-КУ

Мойинг қочса қочсин, шираиғ қочмасин, Дейишганидек, ҳозир

ЧОРШАНБАГАЧА

ҳамманинг ҳам шираси қочиб турган пайт, ўзи. Бундай пайтда айниқса, шакар-пакар қаби нарсаларга ҳушёр бўлиш керак. Бойсулик И. Рўзиев бундай қилмади ва 10 бидондаги 500 килограмм асалидан айрилди. Яхшиям яшигига қўшиб арисиниям олиб кетишмапти.

БЕГОНА ЭМАС

Эрталаб Қўқон шаҳрининг Бабушкина кўчасида истиқомат қилувчи нафақадор аёлнинг уйига келганлар сесканиб кетишди. Аёлни кимдир ўлдириб кетганди. Одамларнинг юрагига ваҳима кирди.

Қидирувни бошлаб юборган ички ишлар ходимлари тезда масалага аниқлик киритишди: қотил марҳуманинг ўғли экан.

БРОКЕРГА ЖАБР БЎЛДИ

Соат 12 пар атрофида Чилонзор 15-мавзеида истиқомат қилувчи „Меҳнат“ кичик корхонасининг брокерини ўз уйда ўлик ҳолда топишди. Унинг бўйни пичоқ билан кесилган эди.

Қидирув олиб борилмоқда.

